

prvostepeno rješenje. postupak će se nastaviti po odredbama ovog zakona.

Član 82.

Ministarstvo će donijeti podzakonske akte predviđene ovim zakonom u roku od šest mjeseci od dana stupanja na snagu ovog Zakona ako ovim zakonom nije drugačije određeno.

Član 83.

Privremene građevine izgrađene prije stupanja na snagu ovog Zakona uklonit će se na način i po postupku kako je to utvrđeno u odobrenju za građenje, odnosno na osnovu zakonskog propisa na osnovu kojeg je izdato odobrenje za građenje.

Član 84.

Pravna lica registrirana za projektiranje, izvođenje i nadzor dužna su usaglasiti registraciju sa odredbama ovog zakona u roku od 12 mjeseci od dana stupanja na snagu ovog Zakona.

Član 85.

Danom stupanja na snagu ovog Zakona na području Bosansko-podrinjskog kantona Goražde prestaje primjena zatečenih propisa iz oblasti građenja koji su se u Bosansko-podrinjskom kantonu Goražde primjenjivali kao kantonalni propisi, s tim da ostaju na snazi odredbe kojima se uređuju pitanja zaštite okoline do donošenja okolinskih zakona, ukoliko ovim Zakonom nije drugačije utvrđeno.

Član 86.

Ovaj Zakon stupa na snagu osmog dana od dana objavljivanja u "Službenim novinama Bosansko-podrinjskog kantona Goražde".

Broj:01-02-423/04
12. jula 2004.godine
G o r a ž d e

PREDSJEDAVAJUĆI
dr.Alija Begović,s.r.

398

Na temelju amandmana XXXI na Ustav Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 5/03). **d o n o s i m**

O D L U K U O PROGLAŠENJU AMANDMANA XLVI, XLVII, XLVIII NA USTAV BOSANSKO- PODRINJSKOG KANTONA GORAŽDE

I

Proglašavaju se amandmani XLVI, XLVII, XLVIII na Ustav Bosansko-podrinjskog kantona Goražde koje je usvojila Skupština Bosansko-podrinjskog kantona Goražde 12. srpnja 2004. godine.

II

Amandmani XLVI, XLVII, XLVIII na Ustav Bosansko-podrinjskog kantona Goražde čine sastavni dio Ustava Bosansko-podrinjskog kantona Goražde i stupaju na snagu u ponoć 12. lipnja 2004. godine.

III


Ovu Odluku objaviti u "Službenim novinama Bosansko-podrinjskog kantona Goražde".

Broj:02-01-529/04
13.srpnja 2004.god.
G o r a ž d e

PREMIJER
mr.Salko Obhodaš,s.r.

399

Na temelju poglavlja IV odjeljak (A) članka 23. poglavlja VIII članka 62. Ustava Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 8/98, 10/00 i 5/03/, Skupština Bosansko-podrinjskog kantona Goražde na



sjednici održanoj 12. srpnja 2004. godine, usvojila je:

**AMANDMANE
NA USTAV BOSANSKO-PODRINJSKOG
KANTONA GORAŽDE**

AMANDMAN XLVI

U članku 53., iza stavka 3. dodaje se novi stavak 4., koji glasi:

“Sukladno sa Zakonom iz stavka 3. ovog članka mandat članova Općinskog vijeća je 4 godine. Općinske vijećnike biraju, demokratskim putem, birači na neposrednim i tajnim izborima na cijelom području općine na način utvrđen Zakonom. Svaki birač sukladno sa Zakonom može biti biran za općinskog vijećnika.

AMANDMAN XLVII

Članak 54. stavak 1. točka b. se briše.

AMANDMAN XLVIII

U članu 56. stavak 1. iza riječi načelnika stavlja se točka, a ostatak rečenice se briše. Iza stavka 1. dodaju se novi stavci 2. i 3. koji glase:

Stavak 2.

“Mandat i postupak izbora općinskog Načelnika utvrđuje se, Zakonom o direktnom izboru Načelnika u Federaciji Bosne i Hercegovine”

Stavak 3.

“Sukladno sa Zakonom iz stavka 2. ovog članka mandat općinskog Načelnika je 4 godine. Općinskog Načelnika biraju demokratskim putem birači na neposrednim i tajnim izborima na cijelom području općine na način utvrđen Zakonom. Svaki birač sukladno sa Zakonom i Ustavom Federacije Bosne i Herc-

egovine može biti biran za općinskog Načelnika”.

U članku 56. stavak 2. postaje stavak 4., a iza stavka 4. dodaje se stavak 5. koji glasi:

“Općinski Načelnik i Predsjedatelj Općinskog vijeća u općinama ili općinskim vijećima višenacionalnog sastava ne mogu biti iz reda istog konstitutivnog naroda, odnosno iz reda ostalih, izuzev u onim općinama u kojima jedan konstitutivni narod čini više od 80% stanovnika, prema posljednjem popisu stanovništva u Bosni i Hercegovini”.

Broj:01-01-418/04
12.srpnja 2004.god.

PREDSJEDATELJ
dr.Alija Begović,s.r.

G o r a ž d e

400

Na temelju članka 23. Ustava Bosansko-podrinjskog kantona Goražde (“Službene novine Bosansko-podrinjskog kantona Goražde”, broj: 8/98, 10/00 i 5/03/ i članka 133. Poslovnika Skupštine Bosansko-podrinjskog kantona Goražde, Skupština Bosansko-podrinjskog kantona Goražde na sjednici održanoj 12. srpnja 2004. godine, **d o n o s i**

**O D L U K U
O DAVANJU SUGALSNOSTI ZA
POTPISIVANJE SPORAZUMA O
IZNIMNIM MJERAMA ZA UBRZANO
USPOSTAVLJANJE DRŽAVNE
AGENCIJE ZA ISTRAGU I ZAŠTITU
(SIPA)**

Članak 1.

Skupština Bosansko-podrinjskog kantona Goražde daje sugalsnost Premijeru Bosansko-podrinjskog kantona Goražde da potpiše Sporazum o iznimnim mjerama za ubrzano uspostavljanje Državne agencije za istragu i zaštitu (SIPA) do visine materijalno-financijskih resursa predviđenih u Budžetu Bosansko-podrinjskog kantona Goražde.

